



Slysatrygging launþega

Skilmáli nr. SP20

Tryggjandi er VÍS tryggingar hf., kt. 670112-0470, hér eftir nefnt „VÍS“.

Um trygginguna gildir:

- Skírteinið ásamt áritunum og sérskilmálum.
- Skilmáli þessi nr. SP20.
- Almennur skilmáli VÍS nr. YY10.
- Lög um vátryggingarsamninga nr. 30/2004.

Skírteini og endurnýjunarkvittun ganga framar skilmálum. Skírteini, endurnýjunarkvittun og skilmálar ganga framar frávikjanlegum lagaákvæðum.

Skilmáli segir til um hvaða réttindi og skyldur þú og VÍS hafið.

Skírteini staðfestir að þú hafir keypt tryggingu hjá VÍS. Skírteinið er aðgengilegt með því að skrá sig inn á vis.is.

I. Almenn ákvæði

1. Hver er tryggður?

1.1 Tryggingin gildir fyrir launþega í starfi hjá tryggingartaka.

2. Hvar gildir tryggingin?

2.1 Tryggingin gildir hvar sem er í heiminum.

3. Upphaf og lok verndar tryggðs

3.1 Ábyrgð VÍS gagnvart tryggðum hefst þegar hann hefur störf hjá tryggingartaka.

3.2 Tryggingin fellur niður gagnvart launþega þegar hann lætur af störfum hjá tryggingartaka.

II. Slysatrygging launþega

4. Hugtakið slys

4.1 Með hugtakinu slys er átt við skyndilegan utanaðkomandi atburð sem veldur meiðslum á líkama þess sem tryggður er og gerist án vilja hans.

5. Hvað bætir tryggingin?

5.1 VÍS greiðir bætur vegna slyss er tryggður verður fyrir, ef það leiðir til andláts, varanlegs miska, tímabundins missis starfsorku eða tannbrots:

- a) Í starfi hjá tryggingartaka og á eðlilegri leið frá heimili til vinnustaðar og frá vinnustað til heimilis. Ef tryggður hefur vegna starfa síns viðlegustað utan heimilis, kemur viðlegustaður í stað heimilis.
- b) Í ferðum innanlands og utan sem farnar eru á vegum tryggingartaka, enda sé ákvæði um slíkt í kjarasamningi sem tekur til tryggðs.
- c) Við þátttöku í íþróttum, keppnum og leikjum á vegum tryggingartaka eða starfsmannafélags tryggðs og ætlast sé til þátttöku tryggðs í slíkri iðkun sem hluti af starfi hans, enda sé ákvæði um slíkt í kjarasamningi sem tekur til tryggðs.
- d) Í frítíma komi það fram í skírteini eða endurnýjunarkvittun.

5.2 Bótaþættir sem tryggingin tekur til koma fram í skírteini eða endurnýjunarkvittun. Tannbrot er eingöngu innifalið í tryggingunni þegar miskabætur eru tilgreindar sem bótaþættir.

5.3 VÍS greiðir kostnað vegna nauðsynlegra læknisvottorða í tengslum við tjónsatburð þegar þeirra er aflað að beiðni VÍS.

5.4 Ef jarðskjálfti, eldgos, flóð, skriðuföll eða aðrar náttúruhamfarir valda slysi í einum og



sama atburði á mörgum tryggðum einstaklingum takmarkast heildarbætur VÍS við 200 milljónir króna. Bætur skiptast hlutfallslega á milli bótaþega. Takmörkun þessi gildir þótt hinir slösuðu séu ekki launþegar sama tryggingartaka.

6. Hvað bætir tryggingin ekki?

- 6.1 VÍS bætir ekki tennur sem brotna við neyslu matvæla eða drykkja.
- 6.2 VÍS bætir ekki tennur sem brotna í vinnuslysi eða vegna annarra atvika að því marki sem það bætist samkvæmt lögum um almannatryggingar eða annarri þátttöku hins opinbera í kostnaði við tannlækningar.
- 6.3 VÍS greiðir ekki bætur vegna slyss:
- Í keppni eða við æfingar til undirbúnings fyrir keppni í hvers konar íþróttum, sjá þó c - lið í gr. 5.1. Með íþróttum er hér átt við einstaklings- eða liðsíþróttir sem æfðar eru reglulega undir leiðsögn þjálfara á vegum félaga eða samtaka sem hafa íþróttakeppni að tilgangi. Þessi takmörkun á þó ekki við um almenningsþátttöku í keppni eða æfingum í golfi, götu- eða fjallahjólreiðum (þó ekki fjallahjólalabrun eða enduro), þríþraut, víðavangs- eða götuhlaupi.
 - Í bardaga-, glímu-, eða sjálfsvarnaríþróttum þar sem tilgangur íþróttanna er að slá, kyla eða sparka til andstæðingsins eða takast á við hann á annan hátt.
 - Í akstursíþróttum.
 - Í bjargsigi, kletta-, fjalla- og ísklifri.
 - Í fjallgöngu af hvaða tegund sem er í yfir 4.000 metra hæð frá sjávarmáli.
 - Í köfun með súrefniskút og fríköfun (án súrefnis) á meira dýpi en 10 metrar.
 - Í loftbelgs-, svifvængja-, dreka-, svif-, físvélaflugi og öðrum sambærilegum athöfnum.
 - Í teygjustökki, fallhlífastökki og BASE stökki og öðrum sambærilegum athöfnum.
 - Í flugi, nema tryggður sé farþegi í áætlunar- eða leiguflugi á vegum aðila sem hefur tilskilin leyfi hlutaðeigandi flugmálayfirvalda.
 - Í handalögmálum, nema tryggður hafi í starfi sínu eingöngu brugðist við í sjálfsvörn.
 - Við þátttöku í refsiverðum verknaði.
 - Af völdum ljósabaða, lækningameðferðar, skurðaðgerðar eða lyfjanotkunar, nema meðferðin sé að læknisráði vegna bótaskylds slyss og gerð á viðurkenndri heilbrigðisstofnun.
 - Af völdum eittraðra lofttegunda, nema eitrunin hafi orðið skyndilega og án vilja tryggðs.
 - Þegar bótaréttur vegna slyssins er fyrir hendi samkvæmt lögboðinni ökutækjatriggingu, þ.e. hvort heldur er úr ábyrgðartryggingu eða slysatryggingu ökumanns og eiganda, nema annað leiði af kjarasamningi. Sama gildir eigi tryggður rétt til bóta samkvæmt reglum umferðarlaga um tjón af völdum óþekktra og ótryggðra ökutækja.
 - Í starfi hjá öðrum en tryggingartaka hvort sem um er að ræða launað starf eða ekki eða arðbært starf í eigin þágu sem atvinnuslyshætta fylgir.

Áhættu samkvæmt a.–f. Lið gr. 6.3 er hægt að tryggja sérstaklega.

7. Verð

- 7.1 Verð tryggingar tekur mið af störfum, kjarasamningum og fjölda þeirra sem tryggðir eru.

8. Tryggingarfjárhæð

- 8.1 Hámarks tryggingarfjárhæðir vegna dánarbóta, örorkubóta og dagpeninga koma fram í skírteini eða endurnýjunarkvittun og fara eftir ákvæðum kjarasamnings þess sem tekur til tryggðs.
- 8.2 Tryggingarfjárhæðir breytast í samræmi við þá vísitölu og með þeim hætti sem fram kemur í kjarasamningi þeim sem tekur til tryggðs.
- 8.3 Tryggingarfjárhæðir taka mið af aldri tryggðs í samræmi við ákvæði kjarasamnings sem gilda fyrir tryggðan.
- 8.4 Sé tryggður 70 ára eða eldri og ekki eru sérstök ákvæði vegna aldurs tryggðs í kjarasamningi sem tekur til hans, verða tryggingarfjárhæðir eftirtaldir hundraðshlutar af hámarks tryggingarfjárhæðum:

Aldur	Prósenta	Aldur	Prósenta	Aldur	Prósenta
70 ára	95%	75 ára	70%	80 ára	45%
71 árs	90%	76 ára	65%	81 árs	40%
72 ára	85%	77 ára	60%	82 ára	30%
73 ára	80%	78 ára	55%	83 ára	20%
74 ára	75%	79 ára	50%	84 ára og eldri	10%



- 8.5 Bótafjárhæðir reiknast á grundvelli tryggingarfjárhæða á slysdegi og breytast í hlutfalli við breytingu á vísitölu frá slysdegi til uppgjörsdags tjóns í samræmi við ákvæði kjarasamnings sem tekur til tryggðs.

9. Áhættubreyting

- 9.1 Tryggingartaki skal án ástæðulauss dráttar tilkynna VÍS um sérhverjar breytingar á starfi þeirra sem tryggðir eru, sem hafa áhættuaukningu í för með sér. Vanræksla á því getur leitt til þess að ábyrgð VÍS vegna hvers tjónsatburðar verði lækkuð hlutfallslega.¹

10. Ákvörðun bóta

10.1 Dánarbætur:

- 10.1.1 Látist tryggður vegna afleiðinga slyss innan þriggja ára frá slysdegi greiðast dánarbætur að frádregnum bótum fyrir varanlegan miska sem VÍS kann að hafa greitt tryggða vegna sama slyss.
- 10.1.2 VÍS á rétt á því að hinn látni verði krufinn til þess að leidd verði í ljós dánarorsök og annað sem máli gæti skipt um bótaábyrgð VÍS.
- 10.1.3 Um rétt til dánarbóta fer samkvæmt kjarasamningi þeim sem tekur til tryggðs.

10.2 Bætur vegna varanlegs miska:

- 10.2.1 Valdi slys tryggðum varanlegum miska innan þriggja ára frá því slysið varð greiðast miskabætur á grundvelli þeirrar tryggingarfjárhæðar sem var í gildi á slysdegi.
- 10.2.2 Miskastig skal meta í hundraðshlutum samkvæmt töflu örorkunefndar um miskastig, sem eru í gildi þegar mat fer fram. Við ákvörðun miskastigs ber ekki að taka tillit til starfs, sérstakra hæfileika né þjóðfélagsstöðu. Slys sem eingöngu valda lýti skal ekki meta til miska. Ef líkur eru til að ástand tryggðs megi bæta með skurðaðgerðum eða öðrum slíkum aðgerðum ber að taka tillit til hugsanlegs bata sem slíkar aðgerðir kynnu að hafa í för með sér. Sé áverka hins slasaða ekki getið í töflu örorkunefndar um miskastig skal meta hann sérstaklega með hliðsjón af töflunni. Miskinn getur aldrei talist meiri en 100%. Miskabætur greiðast í hlutfalli við tryggingarfjárhæðina samkvæmt fyrirmælum í kjarasamningi. Við útreikning miskabóta skal ekki tekið tillit til örorku sem var til staðar fyrir slysið.
- 10.2.3 Við mat á varanlegum miska skal beita hlutfallsreglu eftir því sem við á.
- 10.2.4 Margfeldisáhrif miskastiga taka mið af ákvæðum kjarasamnings sem gilda fyrir tryggðan.
- 10.2.5 Missir eða bækun á útlím eða líffæri sem var ónothæft fyrir slysið gefur ekki rétt til bóta vegna varanlegs miska. Missir eða bækun á útlím eða líffæri sem áður var bæklað skal metið til miska með hliðsjón af bækuninni fyrir slysið.
- 10.2.6 Miski skal að jafnaði metinn einu ári eftir slysið, annars þegar lækni telur að varanlegar afleiðingar slyssins hafi komið í ljós en þó ekki síðar en þremur árum eftir slysdag.
- 10.2.7 Ef tryggður andast áður en varanlegur miski er metinn greiðast engar miskabætur.
- 10.2.8 Bendi fyrirbyggjandi læknisfræðileg gögn til varanlegra afleiðinga vegna slyssins, mun starfsfólk VÍS leggja mat á umfang þeirra með hliðsjón af miskatöflu örorkunefndar. Telji starfsfólk VÍS tilefni til, getur VÍS aflað mats utanaðkomandi sérfræðings á afleiðingum slyssins.
- 10.2.9 Tryggður skal óska eftir mati VÍS í samræmi við grein 10.2.8 eigi síðar en þremur árum frá slysdegi, að öðrum kosti fellur réttur hans til bóta samkvæmt tryggingunni niður.

10.3 Bætur fyrir tímabundinn missi starfsorku:

- 10.3.1 Valdi slys tryggðum tímabundnum missi starfsorku greiðir VÍS dagpeninga. Dagpeningar greiðast í hlutfalli við starfsorkumissinn frá lokum biðtíma og svo lengi sem tryggður er óvinnufær að mati lækni, eða þar til miskamat hefur farið fram. Dagpeningar greiðast þó hvorki lengur en í þann hámarksbótatíma er kemur fram í skírteini eða endurnýjunarkvittun né fyrir tímabilið að loknum þremur árum frá slysdegi.
- 10.3.2 Með biðtíma er átt við það tímabil sem samkvæmt skírteini eða endurnýjunarkvittun á að líða frá slysdegi, þar til dagpeningagreiðslur hefjast. Fyrir þetta tímabil eru ekki greiddir dagpeningar.
- 10.3.3 VÍS tekur ákvörðun um greiðslu dagpeninga á grundvelli læknisvottorða og annarra gagna sem fyrir liggja.
- 10.3.4 Stafir starfsorkumissir slasaða að einhverju leyti af öðrum orsökum en slysinu lækka dagpeningar í beinu hlutfalli við það hvern þátt þessar orsakir eiga í missi starfsorkunnar.
- 10.3.5 Dagpeningar greiðast tryggingartaka meðan hann greiðir þeim sem tryggður er laun samkvæmt kjarasamningi en síðan þeim sem tryggður er.
- 10.3.6 Dagpeningar greiðast í lok hvers mánaðar.

¹ Sbr. 88. gr. laga um váttryggingarsamninga nr. 30/2004.



- 10.4 Bætur vegna tannbrots:
- 10.4.1 VÍS greiðir viðgerðir á heilbrigðum og vel viðgerðum tönnum sem brotna eða laskast við slys.
 - 10.4.2 Greiðsla VÍS takmarkast við 5% af grunntryggingarfjárhæð miska vegna hvers slyss tryggðs og samanlagðar greiðslur vegna slysa hans á hverju tryggingartímabili við 7,5% af sömu fjárhæð.
- 10.5 VÍS er heimilt að láta ráðgefandi lækni skoða þann sem tryggður er.

11. Framsal

- 11.1 Tryggður má ekki án samþykkis VÍS framselja réttindi sín samkvæmt tryggingarsamningnum.

III. Trygging á persónulegum munum (valkvætt)

12. Hvað er tryggt?

- 12.1 Tryggingin tekur til algengs nauðsynlegs fatnaðar og muna í eigu launþega ef hún er tilgreind í skírteini eða endurnýjunarkvittun.
- 12.2 Tryggingin tekur ekki til snjalltækja, fartölva og annarra sambærilegra muna.

13. Hvað bætir tryggingin?

- 13.1 Tryggingin bætir tjón á eignum launþega ef þær eyðileggjast við framkvæmd vinnu hans í þágu tryggingartaka.

14. Ákvörðun bóta

- 14.1 Bætur skulu miðaðar við verðmæti á tjónsdegi.
- 14.2 Ef unnt er að gera við það sem skemmdist þannig að það verði í svipuðu ástandi og fyrir tjón og viðgerð borgar sig að mati VÍS, getur VÍS annað hvort greitt áætlaðan viðgerðarkostnað eða látið gera við það sem skemmdist á kostnað VÍS. Það telst fullnaðarviðgerð þó að sjá megi að gert hafi verið við hlutinn.
- 14.3 Ef ekki er unnt að gera við það sem skemmdist eða það borgar sig ekki að mati VÍS, getur VÍS greitt bætur í peningum eða útvegað sambærilegan hlut og varð fyrir tjóninu. Hafi verið greiddar bætur samkvæmt þessari grein áskilur VÍS sér rétt til að gera tilkall til þess sem skemmdist
- 14.4 VÍS hefur rétt til að greiða mismun á verðmæti þess sem skemmdist eins og það var fyrir tjónsatburð og verðmæti eftir tjónsatburð.
- 14.5 Tryggður skal ekki hagnast á tjónsatburði. Tryggingin skal einungis bæta raunverulegt tjón tryggðs.

Það sem fram kemur á hægri spássíu er eingöngu til leiðbeiningar fyrir viðskiptavini en er ekki hluti af texta skilmálans og ekki ætlað til túlkunar einstakra greina hans.